

**Fā :** *Ia ìte te tamarii i te auraa e te faufaa o te ôroà a te Fatu, te ôroà èuhari :*

*TE PĀNE E TE ĀUÀ O TE ÔROÀ TĀMĀARAA A IETU METIA.*

**Mauhaa :** Pipīria e te àpi parau.

## Faanahoraa ìhihaapii

### 1. Taiòraa

*E faatere i te taiòraa i faanahohia (Pipīria e aore ia tei pāpāihia e te Ôrometua Pupu i nià i te tahi àpi parau).*

*Na òe e haamanaò i te mau tamarii i te taime a haamauhia ai e Ietu Metia teie nei ôroà, oia i te pō a haruhia ai o ia e a arataihia atu ai o ia i te haavāraa tei faaoti i to na pohe tatauro (Mātaio 26/26-29 ; Māreto 14/22-25 ; Ruta Èv. 22/14-20).*

### 2. Tāuàparauraa


- E rave i te tahi tāuàparauraa i nià i teie auraa
  - no te pāne, oia te faraoa ei tāpàò no te tino o Ietu i faatataurohia :
  - no te āua uaina, ei tāpàò no te toto o Ietu i faatataurohia.
- I ô nei, e ara māite e ia vai māramarama mai*
  - o Ietu Metia ei Fatu tei haamau i teie ôroà tāmāaraa no te haaputupu mai i ta na mau pipi,
  - e ta na pipi (oia atoà tātou i teie mahana) ei mau manihini no teie ôroà tāmāaraa ;
- a tāuàparau atoà atu ai i nià i te auraa no te pohe tatauro o te Tamaiti a te Atua.*

3. Poroïraa

4. Faaòhiparaa

*I ROTO I TE ÔROÀ ÈUHARI  
O IETU METIA TE FATU  
O TEIE ÔROÀ TĀMĀARAA,  
E O TĀTOU TA NA MAU MANIHINI.*

To ù Aratai & Tiārama : Ia au i te 1 Tōrīnetia 11/23-29, a pāpai te parau ta Ietu i parau i ta na mau pipi i te pō a haruhia ai o ia :



**Fā :** *Ia ite te tamarii i te auraa e te faufaa o te ôroà a te Fatu, te ôroà èuhari :*

**TE HAAMANAÒRAA**  
**I TE POHE TATAURO E TE TIÀFAAHOORAA O IETU METIA.**

**Mauhaa :** Pipīria e te àpi parau.

## Faanahoraa ihahaapii

### 1. Taiòraa

*E faatere i te taiòraa i faanahohia (Pipīria e aore ia tei pāpāihia e te Ôrometua Pupu i nià i te tahi àpi parau).*

*Na òe e haamanaò i te mau tamarii i te haapiiraa i mairi.*

### 2. Tāuàparauraa

• E rave i te tahi tāuàparauraa i nià i teie auraa no te parau a Ietu Metia : « e nā reira òutou ei manaòraa ia ù » (ìrava 24-25).

- I roto i teie ôroà tāmāaraa, te haamanaò nei te mau tamarii a te Atua i te pohe e te tiàfaahouraa o Ietu Metia.

- I roto i teie ôroà tāmāaraa, te haamanaò nei te mau tamarii a te Atua i te tiaitururaa e haere mai Ietu Metia e fārerei ia rātou.

- I roto i teie ôroà tāmāaraa, te haamanaò nei te mau tamarii a te Atua e haere mai o Ietu Metia no te âmuitahi e te mau mero o te Ètārētia.

*I ô nei, e ara māite e ia vai māramarama mai o Ietu Metia ei Fatu tei haere mai e faatupu i te âmuitahiraa o te mau tamarii a te Atua, o te reira ta te Ètārētia e haamanaò.*

## 3. Poroïraa

I ROTO I TE ÔROÀ ÈUHARI,  
 TE HAAMANAÔ NEI  
 TE MAU MERO ÈTÂRĒTIA  
 I TE POHE TATAURO E TE TIÀFAAHOURAA  
 O IETU METIA,  
 I ROTO I TE TIAÏTURURAA  
 E E HAERE MAI O IA  
 E FAATUPU I TE ÂMUITAHIRAA  
 O TE MAU TAMARII A TE ATUA.

## 4. Faaòhiparaa

**To ù Arataì :** Hāmani mai i te hohoà no te pāne (te faraoa) e te âuà ei tãpàò tei faatupu i te haamanaòraa.

**Tiàrama :** E aha te auraa o te pāne te âuà ? A hāmani mai i te tahi hohoà no teie nā tãpàò o te ôroà èuhari.



**Fā :** *Ja ìte te tamarii i te auraa e te faufaa o te ôroà a te Fatu, te ôroà èuhari :*

**TE ÔROÀ TĀMĀARAA A IETU METIA  
NO TE ÂMUITAHIRAA O TE MAU TAMARII A TE ATUA METUA.**

**Mauhaa :** Pipīria e te àpi parau.

## Faanahoraa ìhihaapii

### 1. Taiòraa

*E faatere i te taiòraa i faanahohia (Pipīria e aore ia tei pāpaihia e te Òrometua Pupu i nià i te tahi àpi parau).*

*Na òe e haamanaò i te mau tamarii i te haapiiraa i maìri.*

### 2. Tāuàparauraa

- *E rave i te tahi tāuàparauraa i nià i te faufaa no te âmuitahiraa e faatupuhia nei e Ietu Metia nā roto i teie ôroà tāmāaraa.*

- *I roto i teie ôroà tāmāaraa, te haere mai nei Ietu Metia no te faatupu i te âmuitahiraa, te hoêraa o te mau tamarii a te Atua Metua.*

- *I roto i teie ôroà tāmāaraa, te haaputupu nei Ietu Metia i te mau tamarii a te Atua Metua tei purara ê na te ao nei.*

*I ô nei, e ara māite e ia vai māmarama mai o Ietu Metia ei Fatu tei haere mai e faatupu i te âmuitahiraa, te hoêraa o te mau tamarii a te Atua.*

*Haamanaò atoà i te mau tamarii, e i roto i ta tātou Ètārētia, te mau taata anaè tei haapāpū i to rātou pāpetitoraa tē fārii nei i teie ôroà, e e faanahoraa roto teie ia òre te ôroà tāmāaraa a te Fatu ia riro ei ôroà tei rave-peu-noa-hia.*

## 3. Poroïraa

*I ROTO I TE ÔROÀ ÈUHARI,  
TE FAATUPU NEI  
O IETU METIA TO TĀTOU FATU  
I TE ÂMUITAHIRAA  
O TE MAU TAMARII A TE ATUA.*

## 4. Faaòhiparaa

To ù Arataì : A tãpū i tei hape :

• E parau òàà !

Te âmuitahiraa o te mau tamarii a te Atua :

• E moemoeā !

Te ôroà èuhari :

• E haapurara i te mau tamarii a te Atua.

• E haaputuputu i te mau tamarii a te Atua.

& Tiàrama : Hāmani mai i te hohoà no te âmuitahiraa, te hoêraa o te mau tamarii a te Atua Metua e faatupuhia nei e Ietu Metia.

**Fā :** *Ia ìte te tamarii i te auraa e te faufaa o te ôroà a te Fatu, te ôroà èuhari :*

**TE ÔROÀ TĀMĀARAA A IETU METIA  
 EI FAAÌTERAA I TE FAAAURAA FAUFAA  
 E FĀNAÒHIA NEI E TE MAU TAMARII A TE ATUA METUA.**

**Mauhaa :** Pipīria e te àpi parau.

## Faanahoraa ìhihaapīi

### 1. Taiòraa

*E faatere i te taiòraa i faanahohia (Pipīria e aore ia tei pāpāhīia e te Òrometua Pupu i nià i te tahi àpi parau).*

*Na òe e haamanaò i te mau tamarii i te haapiiraa i mairi.*

### 2. Tāuàparaauraa

- *E rave i te tahi tāuàparaauraa i nià i te faufaa no te faaìteraa i te faaauraa faufaa i roto i teie ôroà tāmāaraa Ietu Metia.*

*- I roto i teie ôroà tāmāaraa, te faaìte mai nei nā tāpàò no te pāne e no te àuà i te faaauraa faufaa a te Atua Metua no tātou ta na mau tamarii i roto ia Ietu Metia.*

*- I roto i teie ôroà tāmāaraa, te faaìte mai nei nā tāpàò no te pāne e no te àuà e e vai teie faaauraa faufaa a te Atua Metua no tātou ta na mau tamarii i roto ia Ietu Metia, e tae noa atu i te Pātireia.*


*I ò nei, e ara māite e ia vai māmarama mai o Ietu Metia ei Fatu tei mau i te faaauraa faufaa no te mau tamarii a te Atua Metua e tae noa atu i te Pātireia, oia te raì àpī e te fenua àpī i ìte-òrama-hīa e Ioane.*

## 3. Poroīraa

NĀ ROTO IA IETU METIA  
TO TĀTOU FATU  
E TE MANA O TE VĀRUA MOÀ,  
TE MAU NEI TE ATUA METUA  
I TA NA FAAAURAA FAUFAA  
NO TA NA MAU TAMARII  
E TAE NOA ATU I TE PĀTIREIA RA.

## 4. Faàhiparaa

To ù Aratai & Tiàrama :  
Hāmani mai i pihai iho i teie  
taata e tià ra i te ùputa o te  
Pātireia, te hohoà no te rauraa  
o te mau taata faaroo nā te ao i  
mua i te parau no te tiaitururaa  
i te tupu-hope-roa-raa mai te  
Pātireia.





**Fā :** *Ia ite te tamarii i te auraa e te faufaa o te ôroà a te Fatu, te ôroà èuhari :*

*TAIME NO TE FAAÌTERAA.*

**Mauhaa :** Pipīria e te àpi parau.

## Faanahoraa ìhihaapii

### 1. Te tuhaa a te Òrometua Pupu

*1.1. Ia au i te fāito o ta òe mau tamarii matahiapo, na òe e faanaho i te tuhaa no te taidraa pipīria mā te faadhīpa i te tahi mau uiuiraa no te haamāramarama i te mau parau rarahi e vai ra.*

*1.2. No teie haapiiraa n<sup>o</sup>1 :*

*- E haamatara māite i te auraa e te tuātīraa e vai ra i roto i te ôroà èuhari e te pāta a te Āti-Iuta.*

*- E rave i te tahi tāuàparauraa i nià i nā tāpaò e faadhīpahia nei i roto i te ôroà èuhari (te pāne e te uaina) e te tuātīraa i nià i te tino e te toto o Ietu Metia, i te taima no ta te Ètārētia faaīteraa.*

### 2. Te tahi maa tauturu no teie haapiiraa

*Teie te tahi maa haapiiraa tei haamauhia i nià i te tuhaa no te taima no te faaīteraa i roto i te ôroà èuhari :*

Teie parau, o te faatiāraa tahito roa aè ia no te haamauraa o te ôroà èuhari e vai nei ia tātou ra, inaha, ia au i te àai, o Pauro te taata-pāpāi fātata roa aè ia Ietu ra ; hau roa atu, te parau mai nei o ia, e tuu nei o ia i te hoè parau o tei horoàhia mai ia na ra, e no mua atu hoì ia na (ah. Mātaio 26/26-29 ; Māreto 14/22-25 ; Ruta Èv. 22/14-20).

A taa noa atu ai te reira, eiaha rā ia àramoinahia e, noa atu e aita e faaitehia ra e te parau no mua na e faahitihia nei e Pauro (1 Tōrīnetia 11,23etm), te vai nei te tāāmuraa o te ôroà èuhari mātāmua e te ôroà āti-iuta

no te Pāta i reira te mau Hēpera e faahanahana ai i te matararaa i rāpae ia Āifiti - e mai te peu i tupu na te tāmāraa hopeà a Ietu e ta na mau pipi i taua mahana atoà ra no te Pāta (Mātaio, Māreto, Ruta Èv.) e aore ia i te mahana nā mua noa aè (Ioane), eita te reira e tau i teie tūātira. E faufaa to te àtuturaa o te mau parau a te Faufaa Tahito no te Ètoto e te Pāta, ia māmaramama i te òhipa o ta Ietu i hinaaro na e faatupu.

Inaha, mai te faahanahanaraa i te Pāta i roiro na ei taime no te faaiteraa e no te haapiiraa faaroo i mua i te mau tamarii (ah. Ètoto 12/26-27), oia atoà te faahanahanaraa huiraitira o te òroà èuhari, e taime ia no te Ètārētia no te faaite i te pohe o te Fatu e tae noa atu i to na hoīraa mai (1 Tōrīnetia 11/26).

Ua tāpaò-roa-hia e Pauro te ihopiro e te peu haapupu e faatere nei i taua mau putuputuraa a te Ètārētia i Tōrīnetia (1 Tōrīnetia 1/10etm ; 11/17-22). Te haapāpū nei o ia i ò nei e, e àmuraa e e inuraa tura òre ia òre anaè ia ite i te tino o te Fatu. Te haamanaò mai nei teie parau ia tātou i te tātaraa o te Ètārētia ei tino no te Metia o ta tātou i hiò mai na. E no te mea te tano noa ra hoī te reira, i pāpai na o Pauro i te pene nā mua noa aè o ta na rata e : Te pāne o ta tātou e òfene nei, eere ānei i te hoē àmuitahira i te tino o te Metia ra ? No te mea hoē anaè pāne, hoē anaè atoà ia tino tātou pāatoà : no te mea, te àmui nei tātou i teie pāne òtahi (1 Tōrīnetia 10,16-17). Oia hoī, te faatiāraa i te òroà èufari, o te faaite-mata-raa i te Ètārētia ei tino no te Metia, ei àmuīraa autaeà.

### 3. No te haapiiraa n°2

*E ani i te mau tamarii ia taiò mai i te Ètoto 12/26-27 ; Mātaio 26/26-29 ; Māreto 14/22-25 ; Ruta Èv. 22/14-20.*

**Fā :** *Ia ite te tamarii i te auraa e te faufaa o te ôroà a te Fatu, te ôroà èuhari :*

*TE HOÊ MANAÒRAA MAU.*

**Mauhaa :** Pipīria e te àpi parau.

## Faanahoraa ihahaapii

### 1. Te tuhaa a te Òrometua Pupu

*1.1. Ia au i te fāito o ta òe mau tamarii matahiapo, na òe e faanaho i te tahi tãuàparauraa poto noa no te mau taiòraa pipīria i horoòhia atu ia rātou ra, e e faanaho i te tuhaa no te taiòraa pipīria mā te faaòhipa i te tahi mau uiuiraa no te haamāramarama i te mau parau rarahi e vai ra.*

*1.2. No teie haapiiraa n°2 :*

*- E haamatara māite i te auraa no te ôroà èuhari ei ò-faatau-aroha na te Atua i to na nūnaa nā roto ia Ietu Metia.*

*- E rave i te tahi tãuàparauraa i nià i te faaauraa faufaa àpī ta te ôroà èuhari e faaite mai ra, mai te hoê manaòraa mau na te Ètārētia i te ôpuaaa ora a te Atua nā roto ia Ietu Metia.*

### 2. Te tahi maa tauturu no teie haapiiraa

*Teie te tahi maa haapiiraa tei haamauhia i nià i te tuhaa no te taime no te faaiteraa i roto i te ôroà èuhari :*

Eere rā e teie anaè te mea faufaa roa aè. I ite mai na tātou i te reira, te parau faufaa rahi o te pāpetitoraa, eere ia e tei roto i te òhipa e ravehia nei e tātou i reira, tei roto rā i ta te Metia e òhipa nei i reira. Oia atoà te parau no te ôroà èuhari. Oia mau, te vai nei te faufaa o te faaroo e te faaiteraa o te Ètārētia ite-mata-hia, te faufaa mau rā o te ôroà èuhari, tei roto ia i te ò-faatauaroha o te Fatu.

To te Metia raveraa, haamaitairaa e òfeneraa i te pāne, ua tuāti ia i te òhipa a te mau metua tāne atoà no te ùtuafare àti-iuta i te mau tāmāraa atoà, e i te tāmāraa

ihoâ rā no te Pāta. Na te mau parau a Ietu e tau i ra i te auraa o teie òhipa. Oia hoì, a tahi, to na faatūàtiraa i te faraoa e te âuà ; e a piti, te ò-faatauaroha o ta na e horoà atu i nià i te tatauro no to na tātoàraa, to na tino e to na toto.

No te âpo i te auraa o te parau ra e nā reira òtouto ei manaòraa ia ù, e haapae ia tātou i ta tātou huru māmaramaraa papaâ i teie parau, tei faaairo i « te raveraa i te haamanaòraa », ei haamanaòraa ia na iho i te hoê papaaparau i maìri na, e o tē òre hoì e tupu faahou mai. I Ìteraèra, te raveraa i te haamanaòraa, o te hoê òhipa faufaa rahi no te oraraa haapaòraa ; te faaiho mai nei te reira, e te faatupu mai nei i te mau òhipa no te hoê taime òmuaraa no te tūàtiraa i te Atua. Te tītau nei o na i te fā-roa-raa mai te Fatu, mai ta te Fatu i haapāpū na i to na nūnaa : I te mau vāhi atoà i reira vau e horoà atu ai ia òe i te raveraa i te manaòraa i to ù nei iòà, e haere atu ia vau ia òe na e e haamaitai hoì au ia òe (Ètoto 20/24).

Teie rā, mai te peu i rave na te Pāta âti-iuta i te manaòraa o te faaauraa faufaa i rotopū i te Atua e to na nūnaa o tei haamauhia i te matararaa mai i rāpae i Àifiti, te horoà nei rā Ietu i te hoê auraa ê roa atu no te òroà èuhari. E Faaauraa Faufaa âpî to teie nei : ta na òhipa òmuaraa, tei roto ia i to na pohe i nià i te tatauro ; te tino e te toto, eere faahou ia i to te ârēnio pāta, to te Fatu iho rā.

### Te haere mai nei o ia ia tātou nei ra


Te òroà èuhari, o te faahanahanaraa ia i te faaauraa faufaa âpî i òmuahia i Toratota ; na na e faaiho mai i te mau òhipa, inaha, te faatupu nei o na i te haamanaòraa i te pohe e te tiàfaahouraa o te Metia e tae noa mai ai o ia ra. Ia au i te tahi parau nehenehe a te hoê taata parauatua no teie ànotau, « te faaairo nei te òroà i te haamanaòraa ei ùputa no te muriatau ».

I te reira atoà hoì, te òroà èuhari, o te taime ia no te haereà mai o Tei òmua i teie Faaauraa Faufaa âpî, mai « te raveraa i te haamanaòraa » i Ìteraèra ei taime no te haereà mai te Atua. Te haere mai nei te Metia i roto i te òroà èuhari, mā te ânoi-òre-hia e te faraoa e te uaina, e mā te haapae òre hoì ia rāua : i roto i to na fā-mauraa mai, na na e peretiteni i te tāmāraa, e te horoà mai nei o ia ia na ei maa na ta na mau taata faaroo, o ia te faraoa no te ora, te māna âpî (ah. Ioane 6/32-58).

Te riro nei ia te òroà èuhari ei vāhi no te hoê pure tei pāhonohia : te Maranata e àtutu nei i reira (1 Tōrīnetia 16/22), e ia au i te huru no to na pāpai-àramea-raa-hia, e au ia na te auraa no te hoê piiraa : E to mātou Fatu e, a haere mai !, e aore ia te hoê fāriiraa hau : Te haere mai nei te Fatu (ah. Àpotarupo 22/20).

### 3. No te haapiiraa n°3

*E ani i te mau tamarii ia tiaò mai i te Ioane 6/32-58 ; 1 Tōrīnetia 16/22 ; Àpotarupo 22/20.*



**Fā :** *Ia ite te tamarii i te auraa e te faufaa o te ôroà a te Fatu, te ôroà èuhari :*

*TE FAAHAERE NEI TEIE PARAU.*

**Mauhaa :** Pipiria e te àpi parau.

## Faanahoraa ihahaapii

### 1. Te tuhaa a te Òrometua Pupu

*1.1. Ia au i te fāito o ta òe mau tamarii matahiapo, na òe e faanaho i te tahi tãuàparauraa poto noa no te mau taiòraa pipiria i horoàhia atu ia rātou ra, e e faanaho i te tuhaa no te taiòraa pipiria mā te faadhīpa i te tahi mau uiuiraa no te haamāramarama i te mau parau rarahi e vai ra.*

*1.2. No teie haapiiraa n°3 :*

*- E haamatara māite i te tuhaa no ta te ôroà èuhari e faatupu i roto i te oraraa o te taata faaroo, te haamanaòraa i te ôpuaraa faaora a te Atua no to teie nei ao.*

*- E rave i te tahi tãuàparauraa i nià i te haamaitàraa ta te ôroà èuhari e faatupu i roto i te oraraa o te Ètārētia.*

### 2. Te tahi maa tauturu no teie haapiiraa

*Teie te tahi maa haapiiraa tei haamauhia i nià i te tuhaa no te faahaereraa a teie Parau :*

*Te fāraa mai te Metia i roto i ta na Ètārētia nā roto i te aòraa o ta na Èvaneria, eere ia i te hoē haapāpūraa o tei riro ei parau mātau-òre-hia e tātou nei. Teie rā, e tià roa ia uiuihia e : no te aha ia i tuu-faahou-hia mai ai te mau tãpaò moà i reira, mai te mea atu ra ia eita e navai te haamanaòraa i te papaaparau nā roto i te parau, te raveraa i te haamanaòraa nā roto i te taiò-faahou-raa i te àai e nā roto i to na tātaraaraa ôrero ? no te aha àhuru matahiti i muri aè, hānere matahiti i muri aè, tauatini matahiti i muri aè, e hāūti faahou ai, mai te hāūtiraa teata-taata-ora, i te mau papaaparau no te Mahana-pae Moà e to te Pāta ?*

I Îteraëra, eita roa atu te parau e faataaêhia i te oraraa, mai teie i orahia na io tâtou nei i te fenua Papaâ nei. E faatupu te Parau a te Atua i te mau òhipa i roto i te àai ; ia parau o ia, e tupu mai te mau â ; ia māmū o ia, e pohe te rahuraa. Te faatupu nei te parau i te haereraa ; e haamaitairaa o ia, oia hoì ia au i te auraa o te pāpāi, o te hoê ia « parau maitai », o tei horoà mai i te hotu i roto roa i te oraraa ; e faainoraa o ia, o te hoê « parau ìno », o tei faatupu i te pohe i roto i te mau tino e i roto i te àai.

O te òhipa ia i tupu i roto i te mau perofeta i parau na mā te tuto i niā i te tāpono (Jeremia 27/2etm), e aore ia mā te faaea i te vahine (Hōtea 1/2etm) ei faahohoàraa i ta rātou poroì ; te tūàtiàti nei te parauraa e te raveraa. E oia atoà no Ietu i reira te faaoraraa no te tāatoàraa o te taata e riro roa mai ai ei òhipa o tei faanuu i te mau tino : te haere nei te mau piriòl, te ìte nei te mau matapō, te faaroo nei te mau turi. Eiaha e parau noa mai ia ù nei e « ê », i anihia na ia Revi, a pee mai rā ia ù (Māreto 2/14).

E orahia nei teie tūàtiàtiraa o te parau e te tino i te mau vāhi atoà e i te mau taime atoà, eiaha rā paha i te fenua Papaâ i nā tenetere e piti i māiri aè nei, i reira te ùanaraa o te hoê àimāramaramaraa faatupu marō. Auaè rā hoì, io tātou iho nei [fenua Papaâ], ua faaea taua haamāuiuraa upoo ra : ua riro te hoì-faahou-raa mai te faaauraa faufaa i rotopū i te tino e te parau, mā te pūai, ei tautururaa ia tātou ia māmaramama i teie mau taiōraa pipiria. Te titauraa a te parau, o te riroraa mai ia ei tino, o te faahoperaa atu ia i roto i te hoê haerèa, o te faanuura ia i te mau taata, mai te hohoà o te Atua rahu o tei faaiho mai i te hoê òhipa âpî nā roto i ta na Parau, mai te hohoà o te Atua faaora o tei riro mai ta na Parau ei tino i roto i te tamaiti a Māria.

Nā roto i te pāpetitoraa, te parauhia mai nei te hoê parau faatāvai ia tātou ; nā roto i te ôroà èuhari, te titau faahou nei te Fatu, i te mau taime atoà, i ta na Ètārètia, e te horoà mai nei ia na ei àmuitahiraa i to na mau mero tātaitahi. I roto i nā ôroà e piti, o te Fatu anaè tē rave i te faaotiraa ; te nuu nei tātou, no te pāhonoraa rā ia i ta na titau-manihini-raa.

### 3. No te haapiiraa n°4

*E ani i te mau tamarii ia i taiò i te mau pure no te fāriiraa i te ôroà èuhari e vai ra i roto i te pure ra Haapiiraa Faaroo Evanelia, âpi 90-91 :*

*Pure nā mua aè i te ôroà : E te Fatu, e Ietu e, teie te Àmuraamaa moà na Òe faaineinehia mā te hoo rahi. A taturu mai ia ù, ia òre au ia àmu ia na mā te àau tātarahapa òre e te faatura òre, o te riro te reira ei pohe no ù. Ia manaò vau i ta Òe i faaòromai no ù, e ia î to ù àau i te haamaitai ia Òe i to Òe aroha rahi. Àmene.*

*Pure no te pāne (faraoa) : E to mātou Fatu, e Ietu e, te tāpàò teie no to Òe tino, ia àmu vau i te reira ei haaparari i te hara e vai i roto i to ù nei àau. A faaàmu mai Òe ia ù i te pāne ora no te rai mai. Àmene.*

*Pure no te uaina : E to mātou Fatu, e Ietu e, te tāpàò teie no to Òe toto, te toto o te Faufaa Âpi tei haamaniihia no ta ù nei hara. E faainu mai ia ù i te toto moà no Òe, ei horoi i to ù nei mau ìno. Àmene.*

**Fā :** *Ia ite te tamarii i te auraa e te faufaa o te ôroà a te Fatu, te ôroà èuhari :*

*I ROTOPŪ I TE FAAROO, TE PĀPETITORAA E TE ÔROÀ ÈUHARI :  
TE PARAU NO TE HAAPĀPŪRAA O TE PĀPETITORAA.*

**Mauhaa :** Pipīria e te àpi parau.

## Faanahoraa ìhihaapii

### 1. Te tuhaa a te Òrometua Pupu

*1.1. Ia au i te fāito o ta òe mau tamarii matahiapo, na òe e faanaho i te tahi tãuàparauraa poto noa no te mau taiòraa pipīria i horoàhia atu ia rātou ra, e e faanaho i te tuhaa no te taiòraa pipīria mā te faaòhipa i te tahi mau uiuiraa no te haamāramarama i te mau parau rarahi e vai ra.*

*1.2. No teie haapiiraa n°4 :*

*- E haamatara māite i te parau no te tūramaraa ta te ôroà èuhari e horoà mai i nià i te parau no te pāpetitoraa e te haapāpūraa o te pāpetitoraa.*

*- E rave i te tahi tãuàparauraa i nià i te faufaa no te fārereiraa e tupu i rotopū i te Atua Metua e te taata nā roto i te faaroo, te pāpetitoraa e te haapāpūraa o te pāpetitoraa, e te ôroà èuhari.*

### 2. Te tahi maa tauturu no teie haapiiraa

*Teie te tahi maa haapiiraa tei haamauhia i nià i te tuhaa no te taima no te faaiteraa i roto i te ôroà èuhari :*

Pinepine tātou i te faaroo i te parau ra : « Aita ā vau i ineine atu ra no te haapāpū i to ù pāpetitoraa. » I te rahiraa o te taima, te manaò e matara mai nei mai roto mai i teie huru faaiteraa, o to te taata ia faairoraa i te parau no te haapāpūraa i te pāpetitoraa mai te tahi òhipa teimaha rahi. Eiaha tātou e

maere i teie huru manaò, no te mea te tumu o teie teimaharaa, o te taata ia tuuraa ia na i rôpû i te parau no te haapâpûraa, o to na ia haafaufaaraa nâ mua roa ia na iho e te huru oraraa i orahia mai na e ana. E inaha hoì, i roto i te parau no te haapâpûraa i te pâpetitoraa, o Ietu Metia te niu o te tiàraa tamarii na te Atua Metua i tâpaòhia i nià i te reira taata i te taime a pâpetitohia ai o ia.

No reira, ia fârii anaè tâtou ia Ietu Metia ei niu no te pâpetitoraa, te tiâturi atoà ra ia tâtou e na na e haamatara i ta tâtou « ê » e « ê » i te taime a haapâpû ai tâtou i to tâtou pâpetitoraa : i ta na « ê » tâtou e « ê » atu ai ia na. Ia au i teie fâriiraa, te riro nei ia te haapâpûraa i te pâpetitoraa, eiaha ei òhipa teimaha tei tîtauhia mai ia tâtou, *ei haamaitàraa rā na tātou, ei haamauruururaa na tātou i te Atua Metua i haafānau ia tātou ei mau tamarii tāvai nā roto ia Ietu Metia.*

Te vai nei ia te parau rahi no te haamaitàraa, haamauruururaa i roto i te haapâpûraa o te pâpetitoraa : o to tei pâpetitohia

- haamaitàraa, haamauruururaa i te Atua Torutahi Moà no to na fānaòraa i te faufaa âpî e tae noa atu i te taime no te tupu-hope-roa-raa mai te Pâtireia;

- haamaitàraa, haamauruururaa i to na nâ metua (fānau, faaàmu, fētii) e to na nâ metua pûpû (mai te peu e te vai ra), rātou tei faaite i to rātou faaroo, to rātou here metua e to rātou aroha èvaneria i nià ia na i to na vai-tamarii-raa ra ;

- haamaitàraa, haamauruururaa i to te Ètārētia tei tauturu māite mai ia na i te haereà nâ nià i te èà no to te huifaaroo.

No tei òre e hinaaro e haapâpû i to na pâpetitoraa, *eita te Atua e faaiti e aore ia e faaòre i ta na haamaitàraa i nià ia na : ia ìte rā te reira taeàè e aore ia tuahine e, i te reira taime ra, te haafaufaa nei ia o ia na iho ei metua no na iho ia tupu to na iho hinaaro, to na iho pâtireia, to na iho raì tahito e to na iho fenua tahito.*

No tei haapâpû i to na pâpetitoraa, *eita te Atua e faarahi atu ā i ta na haamaitàraa i nià ia na : ua ìte rā teie taeàè e aore ia teie tuahine, e ua tîtauhia o ia ia fârii e na Ietu Metia, to na Faaora e to na Fatu, e faaâpî i to na oraraa ia riro ei mauhaa e ìtehia ai te hinaaro metua o te Atua e te mau tâpaò o te Pâtireia.*









## TUHAA 1

### Aroharaa, fāiiraa

(E tiā te tāatoà)

**Rautī** : Ia ora na e te mau tamarii, te mau metua e te mau òrometua-pupu i to tātou fāreireiraa i teie poi-poi.

Ua âmui te Atua ia tātou i teie vāhi ; te noho nei o ia i rotopū ia tātou ; e nūnaa tātou no na. Ia haamaitaīhia te Atua Metua, Tamaiti e Vārua Moà.

**Âmui** : Âmene.

### Haamoriraa

**Rautī** : Te âuahaaāti nei te rahu a te Atua Metua ia tātou i roto i teie nei ao.

**Âmui** : E pāhono tātou mā te haamaitaī, no te mea e Atua o ia i rotopū ia tātou.

**Rautī** : Te faahuruê nei te here e te aroha o Ietu Metia i teie nei ao.

**Âmui** : E pāhono tātou mā te òaòà, no te mea e tāmārō o ia i te roimata o te mau taata atoà.

**Rautī** : Te faaāpī nei te aho o te Vārua i te mau mea atoà.

**Âmui** : E pāhono tātou mā te horoà i to tātou tiaitururaa ora i roto i te Vārua tei horoà e tei pāturu i te ora.

### Himene

#### Fāiraa hara

(Pārahi te tāatoà)

**Rauti** : E te Atua Metua, ua horoà mai òe i te ora. Ua haere mai òe e haamau i to òe nohoraa i rotopū ia mātou, ia noaa ia mātou te ora. Te ora noa nei mātou i roto i te hoê ao tei māhaehae roa i te ìno e te pohe. Te rahi roa atu ra te feiā veve i teie mahana e te feiā tei faaèrehia i to rātou tiāraa taata.

A aroha mai ia mātou i to mātou tāuà-òre-raa i te mau pūai atoà e haapohe nei i te ora.

**Āmui** : E te Fatu e, a aroha mai.

**Rauti** : Te ora nei mātou i roto i te hoê ao tei māhaehae roa, no te mea aita te mau māmīraa àivānaa i faaōhipahia no te faatupu i te ora. Te haaviivihia nei te rahuraa e te rahi noa atu ra te tamaì e haafānau nei i te òto i roto i te mau ùtuafare.

A aroha mai ia mātou i to mātou tāuà-òre-raa i mau pū e hāmani nei i te mauhaa tamaì, tei riro ei tumu no te àti ta mātou e faaruru noa nei.

**Āmui** : E te Fatu e, a aroha mai.

**Rauti** : Te ora nei mātou i roto i te hoê ao tei māhaehae roa i te maì mata-ê-raa i te taata, te hāmani-ìno-raa i te mau vahine e te mau tamarii. Ua ìno roa te turaraa o te taata e àti aè teie ao.

A aroha mai ia mātou i to mātou tāuà-òre-raa e to mātou māmū-noa-raa i mua i te mau hāmani-ìno-raa taata e te òhipa māferaraa i roto i to mātou tōtaiete.

**Āmui** : E te Fatu e, a aroha mai.

**Rauti** : Te ora nei mātou i roto i te hoê ao tei māhaehae roa i te mau āmahamaharaa e vai nei i rotopū i te mau āmuiraa taata no te tahi mau tumu faaroo e iho tumu, tei òre i matara i te mau Ètārētia i te faahau i roto i te mau taaēraa, te oraraa e te faaìteraa mā te tino hoê.

A aroha mai ia mātou i to mātou tāuà-òre-raa i to mātou rauraa i mua i te tūtauraa rū no te hoēraa o te Ètārētia e te mau taata atoà i roto i teie nei ao.

**Āmui** : E te Fatu e, a aroha mai. Āmene.

### Faalteraa i te matararaa hara

**Rauti** : E horoi òe i to rātou roimata. E òre roa te pohe. Aita faahou e òto, aita faahou e māuiui e te mihi.

Ia aroha mai te Fatu ia tātou e ia horoà mai i te haapāpūraa no ta na faaòreraa hara, e ia tītau tātou i te fafauraa no te aroha tei faataahia no te tāatoà e no to tātou ora. I mua i te pohe, ia faaite noa tātou i te ora āpī e ia faahanahana i te fafauraa no te ora mure òre nā roto ia Ietu Metia.

**Âmui** : Âmene

### Fāiraa faaroo (E tià te tāatoà)

**Rauti** : Mā te âmui te mau mea atoà tei faaāpīhia, a fāi anaè tātou i to tātou faaroo nā roto i te parauraa e :

**Âmui** : Te faahau nei te Metia, to tātou Faaora e to tātou Fatu, ia tātou e te Metua nā roto i te faaroo anaè ; te faatiāmā nei o ia ia tātou i te faainoraa a te ture e te mau àti atoà.

Nā roto i te aàraa a te Èvaneria, te ò no te pāpetitoraa e te faatiāraa i te òroà èuhari, te âmui nei o ia ia tātou ei Ètārētia i raro aè i te mana o te mau Pāpaīraa e tūramahia nei e te Vārua Moà.

Te tāāti nei o ia ia tātou i to na tiāraa Tamaiti, e i ta na òhipa faatiāmā e faaora, ia tupu te ârue e te pure, te faaalteraa e te tāviniraa. Nā roto i te reira, te fārii nei ia o ia ia tātou ia āpiti atu ia na no te faariro i teie ao ei rahuraa na te Atua, mā te tia i te tupu-hope-roa-raa mai te faaāpīraa a te Pātireia. Âmene.

### Himene

(Ia oti teie himene, e âmui atu te mau tamarii e te mau òrometua-pupu i roto i ta rātou mau pupu)

### TUHAA 2

### Faatereraa Haapiiraa

### TUHAA 3

#### Parau faaara

#### Pūpūraa ō

#### Pure ārai

(No teie tuhaa no te pure ārai, e faahoīhia te tiāmāraa i roto i te Haapiiraa Tāpati tātāitahi, no te faanaho i ta rātou pure ia au i te tumu haapiiraa, e aore ia i te tahi mau manaònaòraa e vai ra i roto i te oraraa o te Haapiiraa Tāpati)

#### Pure a te Fatu

#### Faaitoitoraa

**Rauti** : Ia haruru te fenua i te himene haamaitai i te hanahana o te Atua, te Metua, te Tamaiti e te Vārua Moà tei faaī i te ao nei. E nūnaa tātou no na, e Atua o ia no tātou. Te pārahi ra to na hanahana i nià i te fenua nei ; ua haamau o ia i to na nohoraa i rotopū ia tātou.

#### Haamaitaraa e Tonoraa

**Rauti** : E ia òutou atoà na te Atua, tei rahu i te mau pape o teie nei ao ; i te Tamaiti te puna o te pape ora pihaa ra ; e i te Vārua Moà, te pape o tē tāmā i te rahuraa e te taata, mai teie nei e a muri noa atu.

**Āmui** : Āmene

#### Himene e aore ia Hāmonia

*Charte Vernier*

HAAPIIRAA SABATI.

E ui no te mau  
tamarii rii.

FAUFAA TAHITO

BEKA. MATAMUA, I FAAAHUHA E POMARET OROMETUA.

Imprimerie Française  
RAIATEA, 1911.

Te tahi noa nau àpi (1-14) o teie puta a POMARET Orometua tei noaa mai  
no roto mai i te hohoà a Jacques IHORAI Orometua, Peretiteni o te E.E.P.F.

## Haapīraa I.

ÉGLISE ÉVANGÉLIQUE  
DE POLYNÉSIE FRANÇAISE,  
Centre de Documentation  
PAPEETE — TAHITI

1. Eaha te Bibilia ?  
O te Parau iana te Atua.
2. O vai te Atua ?  
O to tatou ia Metua i te ao ra.
3. E tino anei to te Atua ?  
Aita (o te Atua e tino, e Varua hoi te Atua.
4. Teihea te Atua i te parahiraā ?  
Tei te rai i te Atua : te parahiraā, e tei nia'toa i te fenua nei, e i te mau vahi atoa tama i hinaaro ra.
5. Ua ite anei te Atua i te mau mea'toa ?  
Ua ite te Atua i te mau mea atoa ra.  
Aore roa ia e moe iana i te pōiri.
6. E mana rahi anei to te Atua ?  
E Manahope to te Atua. E tia hoi te mau mea atoa ia'na.
7. E Atua maitai anei to tatou Atua ?  
E, ua i te Atua i te maitai e te aroha.
8. E maramarama anei to tatou Atua ?  
E, e maramarama te Atua, e aita roa e pōiri o foto iana.
9. E mo'a anei te Atua ?

## 2

E mo'a, e mo'a, e mo'a o Iehova Saboata, ua i te fenua atoa nei i tona ra hanahana.

10. E raverahi anei te Atua ?  
Hoé roa Atua, o te Metua ia o te taata atoa.
11. E hamatarana anei to te Atua ?  
Aita to te Atua e haamataraa, aita hoi e faahopearaa.
12. Eaha te parati moe i roto i te Atua ra ?  
O te Torutahi ia, oia hoi te Metua, te Tamai-ti e te Varua Maitai, e tana tootoru ra, hoé roa ia.

## Haapīraa II.

1. O vai tei hamani i te rai e te fenua ?  
O te Atua ia.
2. Nabea te Atua i te hamaniāna i teie nei ao ?  
Ua hamani te Atua i teie nei ao i roto i na mahana e ono.  
Ua faaea rá Oia i te mahana hitu, e ua haamai, i ai oia i tana mahana ra.
3. O vai te iā o te taata mātamua ?  
O Adamu ia.



7. Eaha te huru no te taata i te hamanirahia o te Atua ?

Teie te huru, ua hamanihia lona tino ma te repo fenua.

8. Nohoa mai te varua o te taata ?

No o mai ia i te Atua,

9. Ua hamani te Atua i te taata ei aha ?

Ua hamani te Atua, te taata ei bohoo e ei hufu mau no'na ra.

10. O vai te ioa o te vahine matamua ?

O Eva ia.

11. Eaha te parahira matamua o te taata ?

Tei te o i Edene-ra.

12. Eaha te maa ta te Atua i horoa mai no Adamu ma ?

O te maa ia no nia mai i te mau raa atoa ra.

13. Eaha te raa ta te Atua i rahui mai ia Adamu ma i te a o raa e, Ei te mahana e amu ai oe i te veira, e pohe ia oe ?

O te raa ia e i te ai te maitai e te ino.

14. O vai te enemi tei hanavaro ia Adamu ma ?

O te Ophi tabito ia, oia hoi te Diabolo.

15. Eaha te hara a Adamu ma i veira ?

Teie te hara, ua amu raa i to te raa ta te Atua i rahui mai ra.

16. Eaha te utua'ho Adamu ?

O te pohe ia.

Ua parau mai te Atua ia'na e, E repō oe, e e ho'i faahou atu ā oe i te repo.

17. Eaha'ua a te tohi utua no Adamu ?

Teie ia, ua tihi atu te Atua iana i rapae i te o'i i Edene ra, e ua tuu oia i te ho'e Korubi ma te 'o'e uira e fariuru haere ei tiai i te e'a i te raau ora'ra.

## Haapiraa III.

1. Eaha ia te Atua parau i parau mai i muri a'o i to Adamu haraahia ?

Ua parau mai te Atua e, « Na te huai o te vahine e hasparuparu i te ahi o te ophi.

2. Eaha te aurua o lona parau ra ?

Teie ia, ua faaitelia i veira e, Na te Mesia, ta te ho'e vahine e fanau, e faaora i te taata i te mana o te diabolo, oia hoi i te hara e te pohe.

3. O vai te ioa o na tamarii too piti a Adamu ?

Na tamarii too piti a Adamu ra, o Kainga ia e o Abela.

4. Eaha te broa no Kainga ?

E faaapu ia.

5

5. Eaha te toroa no Abela?

E tiai mamoe ia.

6. Eaha te ta'oa ia Kaina i hopoi atu ai ō na Iehova?

Ua hopoi atu Kaina i te maa no te fenua i mua i te ara o Iehova.

Aita rā Iehova i ite i ta'na ō, no te mea o tamaiti i no ia e te faaroo ore.

7. Eaha te ta'oa ia Abela i hopoi atu ai ō na Iehova?

Ua hopoi atu Abela i te ho'omamoe maitai e te pora no roto i te nana, ei ō na Iehova.

8. Ua ite mai aaci o Iehova ia Abela e ta'na ra ō?

Ua ite mai Iehova ia Abela e ta'na ra ō no te mea ō, e tamaiti faaroo ia.

9. Eaha te hara a Kaina i reira?

Teie te hara a Kaina, ua fei oia ia Abela, e ua taparahi au iana.

10. Eaha te Kaina atuā?

Teie te utua, ua tihi ē atu Iehova i tahi, i riro oia ei taata ori noa na te fenua mai te masanua te huru.

11. Eaha tei haapifihia mai, te maa taparahi na foto i te parau no Kaina e no Abela?

6

tei faaroo i to'na reo e tei haapao i ta'na ra parau.

Area ra te tamaiti faaroo ore e te haapao ore ra, ua faautua hia ia.

## Haapira IV.

1. O vai te tamaiti ta Iehova i horoa mai, ia Adamu, ei mono ia Abela i taparahi hia ra?

O Seta ia.

2. O vai te taata tuuroo rahi i rotopu i te mau huaai no Seta?

O Enoha ia.

3. Eaha te huru o tauā taata ra?

E taata paiēti ia.

Ua au to'na haerea i te Atua. Aita tura oia i pohe, no te mea ua tāhiti atu te Atua ia'na i te rai.

4. Eaha tura tei tupu i te mau huaai no Seta i muri a'e?

Ua rave ratou i te hara, e ua i roa te fenua i te hamani no.

5. Eaha tura te hopea no taua ino ra?

Teie te hopea, ua tono mairi te Atua i te difui, pohe atuā te taata'oa i raro a'e i te pāpe.

## 7

6. O vai te hora i taua dilui ra ?

Ua faaara te Atua ia Noa.

7. Eaha te tumu i faaorahia i o Noa e te Atua ?

Ua faaorahia o Noa o to Atua, no te mea e, e taua paieqi oia e te haere pi'o oire.

8. Eaha te ravea i ora'i oia i taua pau rahi ra ?

Teie te ravea, ua faaue mai te Atua ia tarai oia i ho'e pahi, e ua tomo aturu oia o to'na upafare ai'oa teira. ei haapuraa ora no ratou.

9. I teie anotau hopea nei, aita anei ta tatou e aapuraa ?

E haapuraa hoi to tatou, o Iesu Mesia ia. "A o e roa hoi e ora ia vetahi e.

Aita'u hoi e ioa i faaite hia mai i te taata i raro e i teie nei ra i e ora i tatou nei."

## Haapira V.

1. Eaha tei tupu i muri a'e i te dilui ?

Teie tei tupu, ua haere o Noa i rapae i te pahi, e ta'na vabine, e ta'na ra mau tamariki too toru e ratou valine.

2. O vai te ioa o na tamariki tootoru a Noa ?

Teie te ioa, o Sema, e o Hama, e o Iapheta.

## 8

3. Eaha ta Noa ma ohipa matamua i muri a'e i to ratou haereraa 'tu i rapae i te pahi ?

Teie te ohipa matamua, ua hopoi atu ratou i to ho'e tusia ei haamaitai ia Iehova, to'i faaora mai ia ratou i taua dilui ra.

4. Ua mauururu anei Iehova i taua tusia ra ?

Ua mauururu roa o Iehova, e ua parau hua mai oia e, eita roa oia e tonu faahou mai i te dilui ei haamou i te fenua.

5. Eaha te tapao faahitia na te faufaa ta te Atua i faaai ia Noa e tonu ra huai e a muri noa 'tu ?

Teie ia, o te Anuanua Ia te Atua i tun i roto i te ata.

6. Teieha te parahi haereraa o te mau huai o na tamariki tootoru a Noa ?

Teie ia.

1: Te mau huai o Sema, ua parahi haere ia i Asia

2: Te mau huai o Hama ra, ua parahi haere ia i Aferika.

3: Te mau huai o Iapheta ra, ua parahi haere ia i Europa.

7. Eaha ta te mau taata i opua i muri mai i te dilui ra ?

Ua opua ratou i te faaia i te ho'e oire e te ho'e patu teitei roa.

## 9

8. *Eaha te ioa o taua oire ra?*

Ua mairihiv taua oire ra o Babeli.

9. *Eaha ta ratou manao a patu ai ratou i taua oire ra?*

E manao teleso to ratou i reira, eiaha ratou ia purara i ma i te fenua ra.

10. *Ua ite au i te Atua i a rere roa ratou i taua oire ra?*

Atua. Ua teohuru e te Atua i to ratou reo. Aha taua manou i te reo i te parahi te tahi i ta te tahi i purara a taua ratou.


## Whakamārama VI.

1. *Eaha tei tapu i roto i teie nei ao, i a purara e haere te taua?*

Teie nei tapu i reira, ua haamata to teata i te haamori i te idolo.

2. *Eaha te haamori idolo?*

Te haamori idolo ra, o te tavini raa tu ia e te hahitiraa hoi i te manua mea i haamani hia ra, mai te ota i te auri, te vea, te ariro e te auro, te mahana, te mau tofia e te tuata.



tona fenua fanauraa, e haore atu ai i te fenua ra i Kanaana.

9. *Eaha te parau maitai ta te Atua i parau mai i Aberahama i reira ?*

Ua parau te Atua ia Aborahama e, E i ia oe e maitai ai te mau fetii atoa o te ao nei.

10. *Ua faaroo anei Aberahama i te Iehova parau ?*  
Ua faaroo o Aborahama, ua faarue oia i tona iho fenua e tona ra fetii e ua reva atu i te fenua ra i Kanaana i reira ra.

## Haapiiraa VII.

1. *O vai tei haere mai e o Aberahama'toi i te fenua ra i Kanaana ?*

O Lota ia, te tamaiti a lona teina ra o Harana.

2. *O vai te mau taata tei parahi i reira i taaa arotau ra ?*

O te mau Ati Kanaana ia.

E mau nunnā haamori idolo ratou e te ravo peu fahi.

3. *Ua parahi haere o Lota i roto i teihaa oire no tauā fenua ra ?*

Ua parahi haere o Lota i tona parahiraa i Sodoma.

Ua haamanu o Lota i tona parahiraa i Sodoma.

4. *Eaha te huru o te feia tei faaea i Sodoma ?*  
Te mau taata tei parahi i Sodoma ra, e feia haapao iho rahi roa ia : aita e faito i ta ratou mau peu faufau.

5. *Naha te Atua i te faatuauraa mai i to Sodoma ma ?*

Ua haamou roa te Atua i tana mau oire ra. Ua pau atura i te auahi no te ra i maira.

6. *Ua poha atoa anei o Lota i roto i te pauraa no Sodoma ?*

Aitaa.— Ua tono mai te Atua i e toopiti tau melahi ei araia atu iana i rapae i Sodoma, e ia'na puu tamahine toopiti atoa.

7. *Eaha te tumu i aroha hia mai ai o Lota ?*

Ua aroha hia mai oia no te mea ua pure Aberahama i te Atua.

Ua aroha hia mai hoi o Lota, no te mea e, e tamaiti haapao maitai oia.

8. *Ia taee te hanere o to Aberahama matahiti, o vai te tamaiti tei roaa mai iana na roto i te hoē te-meio ?*

Teie ia, o Isaaka.

9. *Eaha ta Iehova aniraa ia Aberahama i roa mai ia Iakoba ?*  
*Uamaiti here na'ua ra ?*

Teie ia, ua ani mai Iehova ia pupu mai o Aberahama i tana tamaiti ra ei tusia na na ra.

10. *Eaha te tuiu no tana anirau ra ?*

Teie te tumu, ei tamatarai i te faaroo no Aberahama.

11. *Ua auue anei to Aberahama i reira ?*

Aita i auue. Ua haapao maite ra oia i te Iehova i faaue iana ra ?

12. *Ua taparahitia anei tana tamaiti ra o Isaac i to'ua ra Metua ?*

Aita ia. Ua tonohia mai ra i e ho' melahi ei tanea i tona rima, oia oia ia taparahi i tana tamaiti terelaha ra.

## Haapiraa VIII.

1. *Toohia tamarii a Isaac ?*

Toopiti ia, o Esau rana o Iakoba.

2. *O vai te tamaiti a Isaac i te hia mai e te Aua ?*

O Iakoba ia.

3. *Toohia tamarii tamaroa i roa mai ia Iakoba ?*

E 12 a Iakoba mau tamarii tamaroa i roa mai. Ua riro ratou ei tumu no naopue 12 no Iseraela.

4. *O vai te tamaiti a Iakoba i tei hopohia'ia i Aiphiti.*

O Iosepha ia, o tei hoohia e tona ra mau tuana, no te mea ua tupu to ratou feii e to ratou riri iana.

5. *Ua aha'tura o Iosepha i te fenua ra i Aiphiti ?*

Ua haamaitaia mai oia e te Atua i reira no to'ua haapao maitai, e ia mairi 13 matahiti, ua faarirohia oia ei faaterehau rahi i nia iho i tana Basileia taatoa ra.

6. *Ua haere atoa anei o Iakoba, te metua no Iosepha i Aiphiti ?*

E, ua haere atura Iakoba i Aiphiti, no te 'o'e rahi tei tupu i Kanaana.

7. *O Iakoba ana'e tei haere atu i Aiphiti ?*

E ere oia anae, ua haere atoa tona utuaifare ia-marii.

8. *Aita anei Iosepha i ite misira i tana metua i reira ?*

Ua ite maira oia ia Iakoba, e ua haaparahi oia i

TÄRENA HAAPILIRAA TÄPÄTI  
ÄTETE – TITEMA 2000

Täiti mahana	Hora	Vähi	Tunu Ohjpa
Mäntie 28	05.00	Mahina	Äpöörna tae HT Tuhaa 1 e te pupu lmi räveä tuhaa

Äväe Äete

Täpiti 03	Täpiti 10	Mahana päe 08	Mahana mäa 09	Mahana päe 23	Mahana piti 26
		07.00 pö	07.30	06.30 pö	05.00 pö
	Meu pärtita	Mau pärtita	Hittaa	Piia ohjpa HT	Mahina
	Hittina Haapilira Tpäti	Haapilira Haapilira Tpäti	Ruruna OP Tuhaa 1	Töntie Ohjpa TPHT N°1	Töntie Ohjpa HT Tuhaa 1

Äväe Tegepa

Mahana mäa 07	Mahana päe 13	Mahana päe 20-21	Mahana mäa 28	Mahana päe 27	Mahana mäa 28
07.30	06.30 pö	07.00 pö		07.00 pö	07.30
Ätete	Piia ohjpa HT	Ätete	Väitö (Centre pärtita)	5 pärtita	Te hana e no na oransa fauroo
Äpöörna Tuhaa 1	Töntie Ohjpa TPHT N°2	Töntie Ohjpa TPHT N°3	Ruruna OP/Tamuri Tuhaa 7 « Te Tama e te Piirta »	Ruruna OP Tuhaa 2	Te hana e no na oransa fauroo

Äväe Ävöpa

Äväe Novema

Täpiti 05	Mahana päe 17	Mahana piti 21	Mahana piti 28
	06.30 pö	05.00 pö	05.00 pö
	Piia ohjpa HT	Mahina	Mahina
	Töntie Ohjpa HT N°3	Töntie Ohjpa HT Tuhaa 1 e te pupu lmi räveä tuhaa	Töntie Ohjpa HT Tuhaa 1 e te pupu lmi räveä tuhaa

Äväe Titema

Mahana mäa 02	Mäntie 25
07.30	
Pöppä	
Noora Änti Tuhaa 2 (Täitea : Täa 58/1-12)	Noora

TÄRENA HAAPILIRAA TÄPÄTI  
TENUARE – TIUNU 2001

Täiti mahana	Hora	Vähi	Tunu Ohjpa
Mahana mäa 13	08.00	Enaveria	Töntie Ohjpa HT Tuhaa 7
Mahana päe 19	07.00 pö	Faasoore aore na	Ruruna OP Tuhaa 1
Mahana mäa 20		Taxavio	
Mahana mäa 20	08.00	Päitä	Äpöörna Tuhaa 7 HT

Äväe Tenure

Mahana päe 09
06.30 pö
Piia ohjpa HT
Töntie Ohjpa TPHT N°4

Äväe Fegvare 2001

Mäntie 05	Mahana päe 16	Mahana mäa 17
	07.00 pö	07.30
	Fare Öntume	Päitä
	Övö 05 no mäi	Äpöörna Faatore TPHT N°1

Äväe Mäi

Mahana päe 06	Mahana mäa 07	Mahana päe 13
07.00 pö	07.30	06.30 pö
5 pärtita		Piia ohjpa HT
Ruruna OP Tuhaa 2 « Te tana e tä na Bäräta »		Töntie Ohjpa HT N°5

Äväe Eperä

Mahana mäa 26	Täpiti 27
08.00	
Päitä	Mau pärtita
Äpöörna Tuhaa 7 HT (Faapilira töntie tuhaa)	Öpöörna Haapilira Tpäti

Äväe Mäi

Äväe Tunu

Mahana päe 01	Mahana mäa 02	Mahana päe 15	Mahana mäa 16
07.00 pö	07.30	07.00 pö	07.30
Äpöörna Faatore TPHT N°1	Äpöörna Raki TPHT		

.....  
Nenehia e STP Multipress  
Tiunu 2000.  
.....

**Terereatau, 29/04/2021**